

**Broj: 06-13-5-1268-1/21**  
**Mostar, 03.12.2021. godine**

Na osnovu člana 31. i člana 37. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 9a. stav (3) Pravilnika o metodologiji i načinu obračuna regulatornih naknada za imaoce dozvola – Pročišćeni tekst („Službene novine Federacije BiH“ broj 94/19), postupajući po službenoj dužnosti u postupku utvrđivanja iznosa regulatorne naknade za 2021. godinu za TG-GRANIT d.o.o. Prozor-Rama, Rumboci bb., Prozor-Rama, zastupanog po Marku Beškeru, zakonskom zastupniku, Regulatorna komisija za energiju u Federaciji Bosne i Hercegovine – FERK je 03.12.2021. godine na XXIV redovnoj sjednici donijela sljedeće

### **RJEŠENJE**

1. TG-GRANIT d.o.o. Prozor-Rama obavezno je platiti regulatornu naknadu za 2021. godinu za period važenja njegove Dozvole za rad za proizvodnju električne energije broj 06-03-864/152/16 u 2021. godini u iznosu od 267,95 KM.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

### **Obrazloženje**

Članom 31. Zakona o električnoj energiji u Federaciji Bosne i Hercegovine propisano je da se FERK finansira iz prihoda od regulatornih i jednokratnih naknada, koje će naplaćivati od imalaca dozvola koji se bave djelatnošću iz člana 12. navedenog zakona i prihoda od naknada za dozvole koje izdaje, uključujući i naknade troškova na osnovu arbitraže, kao i da će ove naknade biti određene tako da pokrivaju troškove FERK-a, dok se višak prihoda od navedenih regulatornih i jednokratnih naknada, kao i drugih naknada ostvarenih od poslova iz nadležnosti FERK-a, u odnosu na finansijski plan FERK-a prenosi u prihod za narednu godinu. Istim članom propisano je da Budžet FERK-a usvaja Parlament Federacije Bosne i Hercegovine.

Na osnovu navedenog, članom 9a. stav (3) Pravilnika o metodologiji i načinu obračuna regulatornih naknada za imaoce dozvola propisano je da se imaoцима dozvola za obavljanje elektroprivrednih djelatnosti i Operatoru za OIEiEK, koji ne obnove svoju dozvolu u tekućoj godini, iznos regulatorne naknade preračunava pojedinačnim rješenjem u skladu sa periodom važenja dozvole u tekućoj godini.

Prilikom donošenja ovog rješenja, FERK je imao u vidu da je Rješenjem broj 08-11-537-1/21 od 24.03.2021. godine („Službene novine Federacije BiH“ broj 26/21), kojim su utvrđeni pojedinačni iznosi godišnjih regulatornih naknada za 2021. godinu imaoцима dozvole za rad za obavljanje elektroprivrednih djelatnosti i Operatoru za OIEiEK, za TG-GRANIT d.o.o. Prozor-Rama, kao postojećeg imaoца dozvole za rad za proizvodnju električne energije, u tački 101.

utvrđen fiksni dio regulatorne naknade za 2021. godinu u iznosu od 300,00 KM i varijabilni dio regulatorne naknade za 2021. godinu u iznosu od 0,00 KM, odnosno ukupan iznos regulatorne naknade za 2021. godinu od 300,00 KM. TG-GRANIT d.o.o. Prozor-Rama je, postupajući u skladu sa FERK-ovim obavještenjima o obavezi plaćanja regulatorne naknade, izvršio uplatu regulatorne naknade za 2021. godine u ukupnom iznosu od 300,00 KM.

Dalje, FERK je pošao od činjenice kako je FERK izdao Dozvolu za rad za proizvodnju električne energije broj 06-03-864/152/16 za TG-GRANIT d.o.o. Prozor-Rama, sa periodom važenja od 23.11.2016. godine do 22.11.2021. godine. TG-GRANIT d.o.o. Prozor-Rama nije obnovio predmetnu dozvolu za rad u tekućoj 2021. godini. Kako je period važenja predmetne dozvole za rad isteklo za vrijeme važenja rješenja iz člana 8. stav (2) Pravilnika o metodologiji i načinu obračuna regulatornih naknada za imaoce dozvola, odnosno Rješenja broj 08-11-537-1/21 od 24.03.2021. godine, kojim su utvrđeni pojedinačni iznosi godišnjih regulatornih naknada za 2021. godinu imaocima dozvole za rad za obavljanje elektroprivrednih djelatnosti i Operatoru za OIEiEK, ispunjeni su uslovi da se primjeni odredba člana 9a. stav (3) Pravilnika o metodologiji i načinu obračuna regulatornih naknada za imaoce dozvola. Na osnovu navedenog, izvršeno je preračunavanje iznosa regulatorne naknade, koja je za TG-GRANIT d.o.o. Prozor-Rama utvrđena za 2021. godinu u Rješenju broj 08-11-537-1/21 od 24.03.2021. godine. Preračunavanje je izvršeno u skladu sa periodom važenja Dozvole za rad za proizvodnju električne energije broj 06-03-864/152/16 u tekućoj 2021. godini, te je utvrđena regulatorna naknada u iznosu od 267,95 KM, pa će FERK razliku u iznosu od 32,05 KM uplatiti na transakcijski račun TG-GRANIT d.o.o. Prozor-Rama.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja TG-GRANIT d.o.o. Prozor-Rama može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Sanela Pokrajčić, s.r.**